

2. — Կոնորէան միշտ միզանցքային բորբոքում չէ, այլ կրնայ նաև աչքի, բերանի, քիթի, սիրտի, որովայնի, սրբանի, արզանդի, եւ այլն բորբոքում ըլլալ

3. — Կոնորէան միշտ սեռային մերձեցումի արդիւնք չէ:

4. — Կոնորէան միշտ ջերմամիզութիւն չէ և ջերմամիզութիւնը միշտ կոնորէա չէ:

ԲԺ. ԵՐ. ԽԱՔԱՆԱՍԵԱՆ



Լ Ե Ռ Ն Ա Յ Ի Ն Կ Լ Ի Մ Ա Ն

Ինչպէս ցոյց տուին ֆասութօրի փորձերը, 1000 մեթը բարձրութեան վրայ փոշի գոյութիւն չունի: Օդը գրեթէ զուտ է եւ մաքուր, ճիշտ է թէ ծովուն բացերն ալ օդը նոյնքան մաքուր է, սակայն լեռը այն առաւելութիւնը ունի, որ իր օդը աւելի չոր է, հովին դէմ պաշտպանուած տեղեր ունի, մինչդրոտային ճնշումը նուազ է:

Լեռներուն գագաթը, ձիւնը կը հանգչեցնէ փոշին, ամբողջութեամբ կը ցոլացնէ արեւին Յառագայթները, կ'արգիլէ օդին տաքութիւնը Յետեւաբար ջրաշոգիին կազմութիւնը, քոր եւ սառն օդը աշխուժութիւն կուտայ մորթին: Զգայական ջիղերուն շնորհիւ, կ'ազդէ շնչառութեան անդրադարձիկ կեդրոնին վրայ, եւ այսպէսով կը նպաստէ առատ թթուածին ստանալու:

Օդը լեռներուն վրայ անօսրանալով, թթուածինն ալ կը նուազի Յետգիտէ: Այնպէս որ ձեր շնչառական մեքենան, անհրաժեշտ թթուածինը քաշելու համար, կը ստիպուի աւելի աշխատիլ: Արիւնը եւս արագ շրջան կ'ընէ: Միւս կողմէ կարգ մը կազմախօսական գործարաններ արեան կարմիր նոր գնդիկներ կը պատրաստեն:

Կը տեսնուի թէ ի՞նչ առաւելութիւններ կը ներկայացնէ լեռնային կլիման, Ան յանձնարարելի է ընդհանրապէս անոնց, որոնք անարիւն են, հիւանդութենէ դեռ նոր ելած են, տկարկազմ եւ ուժամաքի: Եուտով անոնց ախորժակը կը բացուի, ծանրութիւնը կ'աւելնայ, խորունկ եւ վերանորոգիչ քունը կուգայ, յոգնութիւնը կը մոռցուի:

Դարձեալ, լեռներուն վրայ անմիջապէս զգալի կ'ըլլայ ղնդեղային շարժումներու անհրաժեշտութիւնը, կարծես ընութիւնը կը մըղէ մարզանք կատարելու: Եուտով ներքին շերմութիւնը կ'աւելնայ, ախորժակը կը բացուի եւ առիթ կուտայ լաւագոյն սննդառութեան:

ԲԺ. Ն. ԹԱԳԻՈՐԵԱՆ